

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-01-III-095/19**
Mostar, 30.10.2019. godine

IZVOD IZ ZAPISNIKA
sa treće (III.) redovne sjednice Skupštine
Hercegovačko-neretvanskog kantona

Sjednica je održana dana 30.10.2019. godine u sali Skupštine Hercegovačko-neretvanskog kantona u Mostaru sa početkom rada u 11:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Marija Bešker, Slavko Bilić, Marija Bošković, Stana Burić, Selma Drljević, Zora Dujmović, Elvedin Grcić, Mejrima Hasić, Nevenko Herceg, Julineta Jurić, Vera Konjevod, Ismet Lulić, Tomislav Martinović, Irma Memidžan, Ivan Odak, Andrea Pehar, Milica Pehar, Đuro Prkačin, Iva Raguž, Slaven Raguž, Vesna Saradžić, Amir Šelo, Šerif Špago, Nermin Vrtić, Aner Žuljević, Damir Džeba, Kenan Memić i Edis Džino.

Odsutni: Alisa Hajdarević i Ajdin Teletović.

Konstatovano je da je na sjednici prisutno **28** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine i to:

1. Poslanička pitanja;
2. Prijedlog Zakona o izmjenama i dopunama Zakona o socijalnoj zaštiti (skraćeni postupak);
3. Prijedlog Zakona o izmjenama i dopunama Zakona o rudarstvu HNK;
4. Prijedlog Zakona o izmjenama i dopunama Zakona o geološkim istraživanjima HNK;
5. Prijedlog Program razvoja zaštite i spašavanja od prirodnih i drugih nesreća u Hercegovačko-neretvanskom kantonu za period od 2018. do 2024. godine;
6. Izvještaj o radu Vlade HNK za 2018. godinu;
7. Prijedlog Odluke o osnivanju Komisije za evropske integracije Skupštine HNK;
8. Prijedlog Odluke o osnivanju Komisije za pitanja boraca Skupštine HNK.

Otvorena je rasprava.

U raspravi su učestvovali: Elvedin Grcić i Đuro Prkačin.

Predsjednik Kluba bošnjaka Elvedin Grcić je u ime kluba iznio prijedlog da se tačka 2, Zakon o izmjenama i dopunama Zakona o socijalnoj zaštiti, zbog obimnosti materijala i svoje specifičnosti da se ne razmatra u skraćenoj proceduri, da se vrati u formi nacрта.

Predsjednik Kluba hrvata Đuro Prkačin je u ime kluba iznio prijedlog da se Prijedlog Zakona o izmjenama i dopunama Zakona o socijalnoj skrbi vrati u formu nacрта.

Obavljeno je glasanje po prijedlogu dnevnog reda.

Nakon glasanja Šerif Špago je istakao da nije prihvaćen skraćeni postupak i da će tačka dnevnog reda biti Nacrt Zakona o izmjenama i dopunama Zakona o socijalnoj skrbi.

Usljedilo je glasanje za predloženi dnevni red treće redovne sjednice Skupštine.

Konstatovano je da je jednoglasno usvojen dnevni red treće redovne sjednice Skupštine HNK.

Usvojeni Dnevni red:

- 1. Poslanička pitanja;**
- 2. Prijedlog Zakona o izmjenama i dopunama Zakona o rudarstvu HNK;**
- 3. Prijedlog Zakona o izmjenama i dopunama Zakona o geološkim istraživanjima HNK;**
- 4. Nacrt Zakona o izmjenama i dopunama Zakona o socijalnoj zaštiti;**
- 5. Prijedlog Program razvoja zaštite i spašavanja od prirodnih i drugih nesreća u Hercegovačko-neretvanskom kantonu za period od 2018. do 2024. godine;**
- 6. Izvještaj o radu Vlade HNK za 2018. godinu;**
- 7. Prijedlog Odluke o osnivanju Komisije za evropske integracije Skupštine HNK;**
- 8. Prijedlog Odluke o osnivanju Komisije za pitanja boraca Skupštine HNK.**

Uz tehničku ispravku po prijedlogu Lulić Ismeta jednoglasno je usvojen i izvod iz zapisnika sa druge redovne sjednice Skupštine HNK.

AD 1. Poslanička pitanja

Julineta Jurić

Gospodo predsjedavajući i dopredsjedavajući, poštovane kolegice i kolege zastupnici, predstavnici Vlade i medija, sve vas zajedno pozdravljam. Imam dva zastupnička pitanja za Ministarstvo prosvjete, znanosti, kulture i športa HNŽ-a, za ministra gospodina Rašida Hadžovića. Moje prvo zastupničko pitanje. Srednja medicinska škola „Sestara milosrdnica“ Mostar, imenovanje ravnatelja škole. Zbog čega se opstruira rad Srednje medicinske škole „Sestara milosrdnica“ Mostar kada je u pitanju davanje suglasnosti od strane ministarstva na imenovanje ravnatelja škole iako je natječaj proveden u skladu sa zakonom i suglasnost za imenovanje je zatražena u predviđenom roku? Zbog čega je imenovan v.d. ravnatelja škole kada to imenovanje nije sukladno zakonu o srednjoškolskom odgoju i obrazovanju, članak 56 zakona, jer se v.d. ravnatelj može imenovati jedino u slučaju ako se ne da suglasnost na imenovanje ravnatelja, što u konkretnom slučaju nije učinjeno? Zbog čega nije riješen prigovor koji je dostavljen na rješenje o imenovanju v.d. ravnatelja?

Drugo zastupničko pitanje. Visoka škola „UNION“ Mostar. Od resornog Ministarstva prosvjete, znanosti, kulture i športa HNŽ-a tražim dostavljanje detaljne informacije u svezi sa otvaranjem Visoke škole „UNION“ u Mostaru. Informacija obvezno treba sadržavati, podatke o osnivaču, datumu podnošenja zahtjeva, imena potpisnika elaborata opravdanosti osnivanja visokoškolske ustanove, datum donošenja rješenja o imenovanju povjerenstva za ocjenu

elaborata i imena članova povjerenstva, te datum donošenja odluke o usvajanju elaborata od strane ministarstva. Također obvezno navesti i podatke u svezi sa ocjenom ispunjenosti uvjeta sukladno standardima i normativima o visokom obrazovanju u HNŽ-u, odnosno tko su bili članovi povjerenstva za ocjenu ispunjenosti uvjeta kada je povjerenstvo imenovano, te datum izdavanja dozvole za rad ovoj visokoškolskoj ustanovi od strane ministarstva. Uz informaciju dostaviti i presliku izvješća povjerenstva. Hvala.

Milica Pehar

Gospodine predsjedavajući, dopredsjedavajući, kolegice i kolege, predstavnici vlade, ministarstva i medija. Moje zastupničko pitanje je u svezi sa današnjim dnevnim redom, mislim pod 1. točkom, za ministarstvo zdravstva i socijalne skrbi. Što se podrazumijeva pod pojmom „zanemareno dijete“, a što pod pojmom „zapušteno dijete“? Obrazloženje. Centri socijalne skrbi na području naše županije rabe oba pojma, a u prijedlogu, evo već vidimo sad možda i u nacrtu zakona o izmjenama i dopunama zakona o socijalnoj skrbi, poglavlje 3.1., u oblasti koja govori o centrima i njihovom opisu poslova, članak 59, stavak 7, navodi se samo pojam zanemareno dijete, kako postoje slučajevi u kojima su djeca i zanemarena i zapuštena pa su u tom kontekstu i mjere koje donose centri mogu razlikovati jer ne opisuju istu situaciju. Hvala vam lijepa.

Iva Raguž

Hvala vam i sve vas srdačno pozdravljam. Moje zastupničko pitanje danas upućujem ministru prosvjete, znanosti, kulture i športa. Na terenu je uočeno da su asistenti u nastavi koji su počeli sa radom 02.09.2019. godine dobili ugovore od ministarstva sredinom ili koncem rujna. Tražim od vas odgovor zašto je ministarstvu trebalo toliko vremena da dostavi ugovore? I navela bih primjer iz Osnovne škole „Petra Bakule“, gdje je asistentica dobila ugovor 25.09.2019. godine i za mjesec dana rada primila ponižavajuću plaću od 83 KM. Obzirom da se novi ugovori potpisuju početkom iduće godine interesira me hoće li se ponoviti isti scenarij? Hvala.

Ismet Lulić

Evo još jednom vas sve pozdravljam. Ja imam dva zastupnička pitanja. Prvo pitanje je upućeno Vladi HNK-a, to jeste koje je mjere poduzela Vlada u cilju zadržavanja mladih u našem kantonu u protekle dvije godine? Obrazloženje. Jeli znamo da je najveći problem u našoj zemlji odlazak mladih, prvenstveno visokoobrazovanih, naš kanton je itekako pogođen time te smo svi vjerujem svjesni da su se konkretne mjere morale poduzeti da se taj broj ako ništa smanji.

Drugo pitanje upućujem ministarstvu obrazovanja, nauke, kulture i sporta, a to je, koliko je upisano djece u prvi razred osnovnih škola u našem kantonu, a koliko u prve razrede srednjih škola po opštinama? Toliko. Hvala.

Andrea Pehar

Lijep pozdrav svima. Ja ima dva zastupnička pitanja. Moje prvo pitanje upućeno je ministarstvu prosvjete, znanosti, kulture i športa. Prije svega pozdravljam odluku Vlade o uvođenju asistenata u nastavu za djecu sa poteškoćama u razvoju. Zanima me postoji li mogućnost da se i ustanove za odgoj i obrazovanje djece predškolske dobi što više uključe u inkluziju ili da se bar osiguraju neka minimalna finansijska sredstva za osobe koje se stručno

usavršavaju nakon studija defektologije, logopedije i slično u tim ustanovama, kako bi se bar malo potakla inkluzija, ali i olakšala svakodnevnicama odgojiteljicama? Zahvaljujem.

Drugo pitanje, upućeno je ministarstvu MUP-a. Dali sve općine, odnosno gradovi u našoj županiji imaju ugrađen sustav videonadzora i postoji li povratna informacija s terena o učinku istog? Zahvaljujem.

Amir Šelo

Pozdravljam uvaženo rukovodstvo, kolege zastupnike, kolegice zastupnice, ministre, goste, predstavnike medija. Imam jedno poslaničko pitanje, koje postavljam Upravi za geodetske i imovinsko-pravne poslove HNK-a. Molim vas da mi dostavite pravni osnov po kojem sjedište društva pod imenom Geodetsko društvo Herceg-Bosne ima istu adresu kao i

Uprava za geodetske i imovinsko-pravne poslove HNK-a!? Obrazloženje ovog poslaničkog pitanja glasi: ukoliko uđete na web stranicu Uprave za geodetske i imovinsko-pravne poslove HNK-a vidjet ćete tamo da je adresa uprave na adresi Vlade, a to je Stjepana Radića 3. Nadale, na istoj web stranici vidio sam link Geodetsko društvo Herceg-Bosna ima istu adresu Stjepana Radića 3, pa vas molim da mi dostavite pravni osnov po kojem to društvo ima istu adresu kao i navedena uprava. Hvala puno.

Slaven Raguž

Poštovane dame i gospodo zastupnici, predsjedavajući i gosti. Ja imam dva zastupnička pitanja. Prvo je gospodinu Goranu Opsenici i gospodinu Radi Bošnjaku. Tražim da mi se dostave ugovori sa zdravstvenim ustanovama u HNŽ-u i van HNŽ-a, ugovori sa privatnim zdravstvenim ustanovama, kao i odluke o jednokratnim transferima zdravstvenim ustanovama.

Obrazloženje. Podaci iznad traže se jer će nam poslužiti kao temelj izradi prijedloga zakonske uredbe usklađivanja utroška sredstava Zavoda zdravstvenog osiguranja HNŽ-a u skladu sa dinamikom, opsegom i prirodom usluga koje zdravstvena ustanova pruža osiguranicima kao što je definirano zakonom, jer trenutno imamo situaciju da se iste paušalno uplaćuju, a da se primjerice pacijenti iz drugih zdravstvenih ustanova dovode u Kliničku bolnicu Mostar, koja jedan određeni dobar dio dugova koje ima sljedeće ih, ti dugovi su kreirani na osnovu paušalnog iznosa uplate sredstava sa Zavoda, a ne na osnovu opsega i prirode usluge.

Drugo pitanje, gospodinu Ajdinu Teletoviću, ministru trgovine, turizma i zaštite okoliša i gospodinu Goranu Opsenici. S kojim dobavljačima ili tvrtkama zdravstvene ustanove u HNŽ-u imaju sklopljene ugovore o zbrinjavanju medicinskog otpada? Molim da mi se dostave kopije tih ugovora. Obrazloženje. Zakonom o upravljanju otpadom F BiH, te Pravilnikom o upravljanju medicinskim otpadom F BiH, definirane su obveze županijskih razina vlasti po pitanju upravljanja otpadom. Ministarstvo trgovine, turizma i zaštite okoliša je nadležno po pitanju donošenja usuglašavanja planova upravljanja medicinskim otpadom, dok je ministarstvo zdravstva nadležno koordinirati inspekcijskim poslovima nadgledanja provedbe istih. U Strategiji razvoja HNŽ-a 2017.-2020. kao jedan od prioriternih ciljeva navedeno je adekvatno zbrinjavanje medicinskog otpada. S druge strane taj isti dokument napominje kako se na više lokacija nepropisno odlaže medicinski otpad, spominjući konkretno samo u Vihovićima kod Mostara da postoji 6.000 kubičnih metara medicinskog otpada, dok se kao referentan podatak uzima kako najveće zdravstvene ustanove u HNŽ-u proizvedu godišnje oko 36 tona neopasnog i 50 tona opasnog medicinskog otpada, koji se odlaže na gradske deponije.

U Mostaru trenutno vlada komunalna anarhija, u što se može uvjeriti tko god prošetala ulicama grada, no jedan od najvećih problema je nepropisno odlaganje medicinskog otpada od strane zdravstvenih ustanova. S druge strane u medijskim istupima odgovorne osobe iz zdravstvenih ustanova govore kako se sve radi u skladu sa propisima i ugovorima potpisanim

sa dobavljačima usluge upravljanja medicinskim otpadom. Stoga me zanima, koji su to dobavljači i koji je sadržaj tih ugovora? Zahvaljujem.

Vesna Saradžić

Hvala predsjedavajući. Pozdravljam sve prisutne. Ja imam dva poslanička pitanja. Jedno pitanje vezano je za zakon o liječenju neplodnosti biomedicinski potpomognutom oplodnjom, koji je usvojen još prošle godine, i mene interesuje dali se u našem kantonu poduzimaju bilo kakve aktivnosti vezano za implementaciju ovog zakona? Jer do sada određena sredstva izdvajaju zaista skoro svi kantoni, samo to nije slučaj ovdje u ovom našem, a svi jako dobro znamo da su potrebna velika sredstva vezano za ove medicinske postupke. I jednostavno me interesuje samo, znači pitanje resornom ministarstvu, dali se vrše aktivnosti vezano za implementaciju ovog zakona?

A drugo moje pitanje tiče se zavoda za pružanje besplatne pravne pomoći u našem kantonu. 2014. godine zavod je svečano otvoren i rečeno je da će se u toku 2015. godine završiti procedura imenovanjem direktora, ta procedura izgleda još uvijek traje, danas je 2019. godina i mene interesuje kada će se završiti ta procedura? Jer popriličan broj stanovnika HNK-a je u stanju socijalne potrebe i ova institucija im je jako potrebna. Zahvaljujem.

Aner Žuljević

Zahvaljujem predsjedniče. Pošto se prvi put javljam, da pozdravim sve u sali. Ja imam jednu inicijativu i jedno pitanje. Inicijativa se odnosi na Vladu kantona, da putem resornog ministarstva obrazovanja i resornog ministarstva pravde, pokrene proces revizije diploma svih uposlenih u javnoj upravi, zdravstvenim ustanovama i obrazovnim ustanovama, uključujući sve ono gdje kanton ima svoja upravljačka ovlaštenja i po kojem zakonskom osnovu može uticati na ovaj postupak. Znam da postoje informacije da se na federalnom nivou u postupku revizije pokazao problem da pojedine institucije traže određena finansijska sredstva da bi uradili provjeru određenih diploma, volio bih naravno i da dobijem informacije koje su to institucije koje bi u ovom procesu eventualno tražile da naplate provjeru diplome, čisto da imam informaciju.

Drugo je pitanje, a odnosi se prema ministarstvu zdravstva i direktorima domova zdravlja, da mi se dostavi informacija dali u okviru domova zdravlja postoje angažmani po ugovorima o djelu, o kojem tipu angažmana se radi i koji je zakonski osnov? Smatram da bi ovaj odgovor na ovo pitanje faktički mogao poslužiti i ministarstvu zdravstva i nama u skupštini da procijenimo kakva nam je kadrovska struktura u smislu generalnog razvoja primarne zdravstvene zaštite sa aspekta onoga što građani očekuju od nas. Moja je namjera da vidimo dali nam odlazak zdravstvenih radnika koji imamo sad može na neki način biti zaustavljen sa činjenicom da eventualno su određeni ljudi angažovani ugovorom o djelu, a već dugo su zaslužili da budu u zasluženju eventualno penziji. Zahvaljujem.

Rašid Hadžović, ministar obrazovanja nauke, kulture i sporta

Uvaženi članovi predsjedništva Skupštine, uvaženi poslanici, poslanice, gosti, ministri, kolege. Samo vezano konkretno za asistente u nastavi. Zaključkom skupštine u prošlom sazivu mi smo organizovali evo uspješno zadnje tri godine asistente u nastavi. I ove godine znači kao i prethodnih godina zajedno sa federalnim Zavodom za zapošljavanje ide taj proces. Tako da oni sufinansiraju, a svi asistenti su ljudi koji su na birou, koje zajedno biraju roditelji sa školama, zbog specifičnosti slučajeva, znači mora se voditi računa. I neki roditelji su izabrali prije, a neki su izabrali poslije, u trenutku kad su izabrali asistenta u nastavi tad je i počela plata. Tako da je tu razlika u platama, neko je prije dobio, neko poslije.

AD 2. Prijedlog Zakona o izmjenama i dopunama Zakona o rudarstvu HNK

Objasnjeno je dao Željko Laketić, ministar privrede HNK.

Otvorena je rasprava.

U raspravi su učestvovali: Tomislav Martinović, Željko Laketić, Šerif Špago, Ismet Lulić i Nevenko Herceg.

U ime Zakonodavno-pravne komisije amandmane je iznio Tomislav Martinović:

Amandman 1. U članu 2. stav 2. tačka 4. riječi "odgovarajuće upravne mjere" zamjeniti riječima "zakonom propisane mjere".

Amandman 2. U članu 5 stav 1. izraz "ako postoje opravdani razlozi za produljenje" je posve neodređen i neprecizan te ga treba zamjeniti precizno određenim razlozima.

Predsjedavajući Skupštine HNK Šerif Špago istakao je da se Skupština neće izjašnjavati o ovoj tački dnevnog reda dok se Vlada HNK ne izjasni o amandmanima.

AD 3. Prijedlog Zakona o izmjenama i dopunama Zakona o geološkim istraživanjima HNK

Objasnjeno su dali Željko Laketić, ministar privrede HNK.

Tomislav Martinović je iznio mišljenje ispred zakonodavno-pravne komisije.

Otvorena je rasprava.

U raspravi su učestvovali: Elvedin Grcić, Đuro Prkačin, Šerif Špago, Stana Burić i Željko Laketić.

Elvedin Grcić je ispred Kluba poslanika SDA uložio slijedeći amandman:

Na član 5, stav 2, Zakona o izmjenama i dopunama Zakona o geološkim istraživanjima HNK-a. U članu 23 integralnog zakona, u stavu 1, tačka D, mijenja se i glasi: „ako je drugom privrednom društvu već izdato odobrenje na istom istražnom prostoru za istu vrstu mineralne sirovine, a istome nije prestala važnost odobrenja iz člana 12, stav 2 ovog zakona, odnosno ako na istom istražnom prostoru za istu vrstu mineralne sirovine drugo privredno društvo vrši geološka istraživanja na osnovu važećeg odobrenja“.

Stana Burić je uložila amandman:

Član 8. Zakona o izmjenama i dopunama Zakona o geološkim istraživanjima, tako da se umjesto „svaka 2 mjeseca“, što je bilo predloženo u ovom članu, mijenja rok za inspekcijski nadzor i stavlja se „svaka 4 mjeseca“.

Zaključena je rasprava po Prijedlogu Zakona o izmjenama i dopunama Zakona o geološkim istraživanjima HNK.

Glavano o Zakonu će biti nakon izjašnjavanja Vlade HNK o amandmanima.

AD 4. Nacrt Zakona o izmjenama i dopunama Zakona o socijalnoj zaštiti

Objasnjeno je dala Alma Kozo, pomoćnica ministra, (Ministarstvo zdravstva, rada i socijalne zaštite HNK-a).

Otvorena je rasprava.

U raspravi su učestvovali: Tomislav Martinović, Irma Memidžan, Đuro Prkačin, Amir Šelo, Stana Burić, Elvedin Grcić, Damir Džeba i Ismet Lulić.

Predsjedavajući Skupštine HNK Šerif Špago predložio je slijedeći Zaključak:

„Prihvata se Nacrt Zakona o izmjenama i dopunama Zakona o socijalnoj zaštiti kao dobra osnova za izradu prijedloga zakona“.

Primjedbe, prijedlozi i mišljenja izneseni na sjednici Skupštine dostavit će se Vladi HNK-a na razmatranje“.

„Zadužuje se Ministarstvo zdravstva, rada i socijalne zaštite HNK-a da organizuje javnu raspravu o Nacrtu Zakona o izmjenama i dopunama Zakona o socijalnoj zaštiti u roku od 30 dana.“

„Zadužuje se Vlada HNK-a da u roku od 60 dana uputi u skupštinsku proceduru Prijedlog Zakona o izmjenama i dopunama Zakona o socijalnoj zaštiti“.

„Zaključak stupa na snagu danom donošenja i objavit će se u Službenim novinama HNK-a“.

Obavljeno je glasanje o navedenom zaključku.

Nakon glasanja konstatovano je da je jednoglasno usvojen navedeni Zaključak.

Izjašnjavanje o amandmanima na Prijedlog Zakona o izmjenama i dopunama Zakona o rudarstvu HNK

Obrazloženje je dao Željko Laketić, ministar privrede HNK:

Vlada je nakon dostavljenih prijedloga amandmana na Zakon zasjedala i jednoglasno je odlučeno da se prihvate amandmani na zakon.

Amandman 1.

Zakon o rudarstvu, znači u članu 2, stav 2, pod tačkom 4, umjesto „odgovarajuće upravne mjere, zamjenjuje se „zakonom propisane mjere“.

Amandman 2.

U članu 5, vezano za tačku 1. umjesto riječi „ako postoje opravdani razlozi za produženje“, zamjenjuje se „ako postoje razlozi za produženje na koje nije mogao utjecat podnosilac zahtjeva“.

Obavljeno je glasanje po Prijedlogu Zakona o izmjenama i dopunama Zakona o rudarstvu HNK-a, uz ova 2 amandmana koja je Vlada prihvatila.

Većinom glasova „Za“, uz 1 „Suzdržan“ glas usvojen je Prijedlog Zakona o izmjenama i dopunama Zakona o rudarstvu HNK-a.

Izjašnjavanje o amandmanima Prijedloga Zakona o izmjenama i dopunama Zakona o geološkim istraživanjima HNK

Obrazloženje je dao Željko Laketić, ministar privrede HNK:

Amandman 1.

U članu 23, stav 1, tačka D, mijenja se i glasi: „ako je drugom privrednom društvu već izdato odobrenje na istom istražnom prostoru za istu vrstu mineralne sirovine, a istom nije prestala važnost odobrenja iz člana 12, stav 2 ovog zakona, odnosno ako na istom istražnom prostoru za istu vrstu mineralne sirovine drugo privredno društvo vrši geološka istraživanja na osnovu važećeg odobrenja“.

Vlada HNK je prihvatila ovaj amandman.

Amandman 2.

Član 8. Zakona o izmjenama i dopunama Zakona o geološkim istraživanjima, tako da se umjesto „svaka 2 mjeseca“, što je bilo predloženo u ovom članu, mijenja rok za inspeksijski nadzor i stavlja se „svaka 4 mjeseca“.

Vlada HNK je prihvatila ovaj amandman.

Obavljeno je glasanje po Prijedlogu Zakona o izmjenama i dopunama Zakona o geološkim istraživanjima HNK uz navedene amandmane.

Većinom glasova „Za“, uz 2 „Suzdržana“ glasa usvojen je Prijedlog Zakona o izmjenama i dopunama Zakona o geološkim istraživanjima HNK.

Usljedila je pauza od 15 minuta.

AD 5. Prijedlog Program razvoja zaštite i spašavanja od prirodnih i drugih nesreća u Hercegovačko-neretvanskom kantonu za period od 2018. do 2024. godine

Obrazloženje dala Nasta Vidović, ispred Uprave za Civilnu zaštitu, odnosno Vlade HNK kao predlagača.

Otvorena je rasprava.

U raspravi nije nitko učestvovao.

Obavljeno je glasanje po Prijedlogu Programa razvoja zaštite i spašavanja od prirodnih i drugih nesreća u Hercegovačko-neretvanskom kantonu za period od 2018. do 2024. godine

Nakon glasanja konstatovano je da je Prijedlog Program razvoja zaštite i spašavanja od prirodnih i drugih nesreća u Hercegovačko-neretvanskom kantonu za period od 2018. do 2024. godine jednoglasno usvojen.

AD 6. Izvještaj o radu Vlade HNK za 2018. godinu

Obrazloženje je dao Nevenko Herceg, predsjednik Vlade HNK.

Otvorena je rasprava.

U raspravi su učestvovali: Amir Šelo, Slavko Bilić, Iva Raguž, Andrea Pehar, Julineta Jurić, Tomislav Martinović i Nevenko Herceg.

Predsjedavajući Skupštine HNK Šerif Špago predložio je slijedeći Zaključak:

„Na osnovu člana 39, tačka F, Ustava HNK-a, Službene novine HNK-a broj 2/98, 3/98, 4/00 i 7/04, člana 95 i 177 Poslovnika Skupštine HNK-a, Službene novine HNK-a broj 2/05, Skupština HNK-a na sjednici održanoj 30.10.2019. godine donosi zaključak o usvajanju Izvještaja o radu Vlade HNK-a za 2018. godinu.

Pod 1) usvaja se Izvještaj o radu Vlade HNK-a za 2018. godinu;

Pod 2) Izvještaj o radu iz tačke 1 zaključka čini sastavni dio ovog zaključka;

Pod 3) zaključak stupa na snagu danom donošenja i objavit će se u Službenim novinama HNK-a.

Obavljeno je glasanje o navedenom zaključku.

Nakon glasanja konstatovano je da je Zaključak o usvajanju Izvještaja o radu Vlade HNK-a za 2018. godinu, usvojen jednoglasno.

AD 7. Prijedlog Odluke o osnivanju Komisije za evropske integracije Skupštine HNK

Predsjedavajući Skupštine HNK je dao obrazloženje i predložio Odluku.

Prijedlog odluke:

„Skupština HNK-a na sjednici održanoj 30.10.2019. godine je donijela odluku o osnivanju Komisije za evropske integracije Skupštine HNK;

Pod 1) osniva se Komisija za evropske integracije Skupštine HNK;

Članovi komisije su članovi kolegija Skupštine HNK, Špago Šerif predsjedavajući i Tomislav Martinović zamjenik predsjedavajućeg, Željka Čule član, Đuro Prkačin član, Grcić Elvedin član;

Pod 2) nadležnosti Komisije za evropske integracije Skupštine HNK: razmatranje pitanja koja se odnose na opća pitanja u vezi sa evropskim integracijama iz nadležnosti Skupštine HNK, nadziranje usklađivanja zakona iz nadležnosti Skupštine HNK sa pravnom

stečevinom EU, uspostavljanje i ostvarivanje saradnje sa komisijama i tijelima skupština drugih kantona te nadležnim komisijama parlamenata viših nivoa vlasti u BiH, a vezano za procese EU integracija, praćenje i izvršavanje prava i obaveza HNK koja se odnose na evropski put BiH u skladu sa Odlukom o sistemu koordinacije procesa evropskih integracija u BiH, informisanje o korištenju dodijeljenih sredstava iz fondova EU-a Hercegovačko -neretvanskom kantonu, prezentacije i istraživanje javnog mišljenja o pitanjima EU integracija, informisanje o svim pitanjima vezanim za evropske integracije, razmatranje drugih pitanja po zaključcima Skupštine HNK vezano za EU integracije;

Pod 3) mandat komisije ne može trajat duže od godinu dana;

Pod 4) odluka stupa na snagu danom donošenja i objavit će se u Službenim novinama HNK.

Obavljeno je glasanje po Prijedlog Odluke o osnivanju Komisije za evropske integracije Skupštine HNK.

Nakon glasanja konstatovano je da je Prijedlog Odluke o osnivanju Komisije za evropske integracije Skupštine HNK jednoglasno usvojen.

AD. 8 Prijedlog Odluke o osnivanju Komisije za pitanja boraca Skupštine HNK

Predsjedavajući Skupštine HNK je u svom navodu istakao slijedeće:

Pod 1 „osniva se Komisija za pitanja boraca Skupštine HNK, u sastavu: 1) Slavko Bilić predsjedavajući, 2) Elvedin Grcić zamjenik predsjedavajućeg, 3) Nermin Vrtić član, 4) Ivan Odak član, 5) Arif Fazlić član ispred Koordinacije temeljnih boračkih udruženja HNK-a, 6) Zoran Zovko član ispred Koordinacije temeljnih braniteljskih udruga HNK;

Pod 2) Komisija za pitanja boraca Skupštine HNK,

- a) razmatra i podnosi prijedloge Skupštini HNK i oblasti boračko-invalidske zaštite;
- b) prati i izvještava Skupštinu HNK o stanju u oblasti boračko-invalidske zaštite;
- c) daje prijedloge mjera Skupštini HNK za unapređenje stanja u oblasti boračko-invalidske zaštite;
- d) razmatra propise iz oblasti boračko-invalidske zaštite iz nadležnosti Skupštine i daje mišljenja skupštini HNK-a,
- e) obavlja i druge poslove u skladu sa zaključcima Skupštine HNK vezano za boračko-invalidsku zaštitu;

Pod 3) mandat komisije ne može trajat duže od godinu dana;

Pod 4) odluka stupa na snagu danom donošenja i objavit će se u Službenim novinama HNK.

Obavljeno je glasanje po Prijedlogu Odluke o osnivanju Komisije za pitanja boraca Skupštine HNK.

Nakon glasanja konstatovano je da je Prijedlog Odluke o osnivanju Komisije za pitanja boraca Skupštine HNK jednoglasno usvojen.

Sjednica je završena u 15:30 sati.

Zapisničar
Dario Topić

Predsjedavajući
Šerif Špago